

壽
樂
廬
儀
禮
大
固

儀禮與固卷八

壽櫟廬叢書之一

名山吳之英典

聘禮第八篇 周制天子待諸侯春朝圖事秋覲比功夏宗陳謨冬遇協慮時會發禁殷同施政時聘結好殷頤除慝問問諭志歸賑交福賀慶贊喜致禴補裁諸侯邦交歲相問殷相聘世相朝比年小聘即歲問假名使大夫三年大聘即殷聘使卿國有大小使有尊卑相接之文因等焉五禮屬賓大戴十四小戴十五劉錄鄭目皆第八篇

聘禮君與卿圖事遂命使者使者再拜稽首辭君不許乃退諸侯相交儀由爵差五爵三等公爲上伯從侯男從子使臣存問其卿各下其君二等以下及大夫士皆如之大聘

使卿小聘使大夫此爲大聘立例時兼見小聘儀圖畫因朝圖聘因圖遂命猶辭讓爲美德不許國政君專行止之節乃退受命反位

既圖事戒上介亦如之宰命司馬戒眾介眾介皆逆命不辭宰書幣命宰夫官具 既者若圖事未畢猶不遽戒上介上介大夫稱戒別于正使眾介士宰儼天官大宰小宰總圖國事者宰命司馬戒起上介君親戒逆迎逆命進拜受不辭自別于上介幣聘所費宰制國用綜會計故書命宰夫以君命命其屬授之書宰夫主幣器財用牢禮委積膳獻飲食殮牽之事官所職具行齋所當豫宰以責宰夫宰夫以宰命責所司

及期夕幣使者朝服帥衆介夕管人布幕于寢門外官陳幣
皮北首西上加其奉于左皮上馬則北面奠幣于其前使者
北面衆介立于其左東上卿大夫在幕東西面北上 行有
期據前一日稱及蚤朝爲朝晚朝曰夕因夕受幣曰夕幣
官雖具君當授之朝服夕如朝服特言衆介起使者姦上
介受命屬之故稱帥當夕見故曰夕管人儼地官司門掌
宮門筦鑰故得與門外事惟在上曰幕幕人供之布幕覆
幣于寢門外將眡內朝官陳幣各陳所職皮北首西上儼
聘位奉謂束帛加左皮上用將命尊于皮馬北面同皮首
言則不必有馬奠幣其前先馬之幣以庭實唯有兼出其
儀使者北面爲奉使命變位衆介立其左東上右使者令

近君卿大夫幕東西面北上居者仍順君爲位古文師作
率管作官今文布作敷古文奉爲卷今文馬下無則

宰入告具于君君朝服出門左南鄉史讀書展幣宰執書告
備具于君授使者使者受書授上介公揖入 入入寢門宰
兼理宮事又陳時監之故入告具陳畢出門左就主位南
鄉朝位書宰所書冊史掌禮書故讀省眡曰展展以校讀
展畢史授宰書備完告備具告讀與展無闕授使者授書
將據展授上介上介承司聘事有責焉公揖入使者退

官載其幣舍于朝上介視載者所受書以行 官前陳幣者
又爲載各理其幣舍于朝公幣不入私家視載者防載時
有污損及說失所受書使者所授以行上介奉以歸不在

載中。上介行。眾介退。

厥明賓朝服釋幣于廟。有司筵几于室中。祝先入。主人從入。主人在右。再拜祝告。又再拜釋幣。制玄纁束奠于几下。出主人立于戶東。祝立于牖西。又入取幣。降卷幣實于笄。埋于西階東。厥明行日。質明賓謂使者。釋幣將出。于是始正賓名。無尸告奠。謂之釋禰。考廟朝服。饌正祭。奉使稽時。或違時祭。豫告知。猶生時出告之誼。有司家老筵几于室西。筵右几。祝先入。事神主祝。主人藉祝達意。故從入。主人在右。祝在左。當代告。再拜稽首祝告。辭若曰。孝子某受命出聘。某君敢奠量幣于皇考某子。尚饗。詔辭自左。變生人儀。又再拜。袞拜。釋幣進奠。制禮式束五兩。玄三纁二。奠几下。所謂

釋出亦祝先。主人從。主人立戶東祝立牖西。避當室。疑神
饗。又入取幣。終釋事。卷再斂。宜實亦爲已。釋別于筭。猶護
之。不欲褻埋藏之陰。西階東近神。

又釋幣于行。遂受命。行道神位在廟門西。出所經。王立七
祀。四曰國行。諸侯五祀。大夫三祀。士二祀。皆有行。天子諸
侯祀以冬。將出則特祀。大夫士同法。又釋幣于行。亦奠埋
之。遂受命。不釋服。

上介釋幣亦如之。上介及眾介俟于使者之門外。亦如者。
大夫立廟立祀。得同卿。眾介不言釋幣。告禍當同。俟使者。
眾介同俟。上介而后隨。俟門外。大門外北面東上。

使者載壇帥以受命于朝。君朝服南鄉。卿大夫西面。北上。君

使卿進使者使者入及眾介隨入北面東上君揖使者進之上介立于其左接聞命賈人西面坐啟櫝取圭垂纁不起而投宰宰執圭屈纁自公左授使者使者受圭同面垂纁以受命既述命同面授上介上介受圭屈纁出授賈人眾介不從受享束帛加璧受夫人之聘璋享玄纁束帛加琮皆如初

通帛曰旛孤卿所建載于車標使節帥帥上介眾介受命受聘命朝外朝使者至皋門外爲位使卿進使者使者釋幣至君已眡朝聞告至使同官命之入及由上介隨隨上介北面東上仍夕幣位揖使者進將特命之上介立其左亦進接聞命遠近適爲銜副使之責賈人擬天子賈師地官屬役于司市以知物賈位在門東櫝匱啟開圭瑞玉天

子執鎮圭尺有二寸中必扞上終葵首封諸侯以命圭扞上終葵首公執桓圭九寸侯信圭伯躬圭皆七寸子穀璧男蒲璧皆五寸美尺好三寸傳國爲瑞無事櫝之所以衣圭曰纁垂左右屬見圭爲證不起不與禮授宰宰代君治事屈覆之屈纁爲文自公左贊幣之儀受圭同面起宰適使者右北面授復垂纁受玉爲信受命公有聘辭述誦既述命誦公饒無失誤同面授上介授受于君前皆不當背君復屈纁既受當掩之出授賈人仍櫝之賈人徒屬有從行者典守焉上介既授入復位衆介不從以受命未畢據例當從享獻謂庭實肉倍好謂之璧制玉圓形束帛加璧用將享命夫人小君君有服因聘兼聘以恩及璋半圭標

半于君。琮制王方形，加琮。下君享璧，稱玄纁，起享。君束帛，素質皆如初，皆由宰授。使者上介出授，復入。君揖入，賓出，皆出。古文廬爲膳。

遂行舍于郊，斂廬。遂行，君命不宿于家，次謂之舍。邑外曰郊。此謂遠郊，實遂也。凡百里國，三里宮，九里城，二十里郊，三十里遂，七十里國，一里宮，三里城，九里郊，二十里遂，五十里國，一里城，城爲宮，三里郊，九里遂，郊遂之門，譏異服，譏異言。古者吉行，不過五十里。舍郊，郊有館，斂束，斂廬，將過邦竟。

若過邦，至于竟，使次介假道，束帛將命于朝，曰：「請帥奠幣。」下大夫取以入，告出許，遂受幣，餽之以其禮。上賓大牢，積唯芻。

禾介皆有餼士帥沒其竟 國謂之邦過邦聘遠國言若聘
鄰國不過使次介上介尊假借道路竟有譏以公役當經
求護將請命鄰君命朝外朝曰次介告擯辭請帥乞有司
道幣官所具門外傳辭故奠下大夫承擯聽朝治故取以
入告出許許帥遂受以幣出請受次介辭北面再拜退饋
生物曰餼以其禮貶爵爲差上賓使者不爵舉兼見小聘
牛羊豕具曰大牢不言牢數賓客異積委芻草禾桑穀唯
者無米薪以假道可殺介該上介眾介皆有餼皆少牢差
以牢數無積士訝士秋官屬掌逆送賓客者帥奉君命爲
之前驅沒盡帥沒其竟辟詰誅戒不虞他竟非所及也
誓于其竟賓南面上介西面眾介北而東上史讀書司馬執

策立于其後。約言曰：誓其竟。假道竟謂直次。介入朝時，賓南面爲誓主，上介西面，順賓。衆介北面，東上。從屬官位，書誓辭。史治文書，有從行者，故讀在賓右。若曰：凡我行人，罔敢暴掠奸宄，不用命，有常刑。司馬夏官從出，胥徒使禁姦。假長官名策馬箠執之，示有罰事。其後史後。

未入竟，一肆爲壇，壇畫階，帷其北，無宮。朝服無主，無執也。介皆與北面，西上。習享，士執庭實，習夫人之聘享，亦如之。習公事不習私事。竟聘國竟，未入標已接，猶在假道。國竟講學，一曰肄，重失儀。言一不再肄，嫌瀆除地曰墼，築土曰壇，爲者因草舍，擬聘廟。畫階，節升降，巾在旁曰帷，帷其北，擬堂。無宮闕，三面朝服，重公事，無主，不狎聘君，執謂王，無執，不玩。

國寶介皆與防不開北面西上。僂聘時入門左位。習亦肄習。享不習聘。重聘士衆介庭實皮馬執各以其儀。夫人習聘及享。因聘夫人得閑聘事亦如之。亦無主無執。唯享士執庭實公事。若受勞受館受醴之等。習爲敬事。私事謂僨事。問大夫之等不習。辟不敏。肆畢出竟。師者反命。古文與爲豫。

及竟張旆誓 及竟入聘國遠郊。張旆標所有事誓如假道誓儀。

乃謁關人關人問從者幾人以介對 謁告亦使次介。關人猶地官司關掌關禁。凡賓客敝關爲之告者不敢斥賓介。故問從者幾人以從者多寡別知來使尊卑。以介對不斥。

賓上公使者七介侯伯之使五介子男之使三介對以介數從者可計。

君使士請事遂以入竟入竟斂壇士亦訝士聞闕人告故使請事實使道嫌遽假爲名遂以入竟聘事審因帥之斂壇來事已明不待表識。

乃展布幕賓朝服立于幕東西面介皆北面東上賈人北面坐拭圭遂執展之上介北面視之退復位退圭陳皮北首西上又拭璧展之會諸其幣加于左皮上上介視之退馬則幕南北面奠幣于其前展夫人之聘享亦如之賈人告于上介上介告于賓有司展羣幣以告在道久防玷污故展乃者爲肄時不執布幕如夕幣幕人有從出者賓立幕東西面

爲展主介皆北面東上鄉賓賈人北面在介南自爲列拭
振用巾執展垂纁因拭稱遂上介本授賈人故視北面與
賈人同面不蔽賓如賓受圭時宰授面使者不親本授上
介專責之退復位進而東退圭賈人屈纁積之陳皮展享
璧享璧又拭展亦賈人會坳其幣致享命幣左皮皮首加
其上標所先上介視亦北面退皮退上介反位幕南北面
馬下于皮奠幣其前仍夕幣儀展夫人聘享皆賈人展上
介視故亦如賈人告上介展畢則上介告賓視展畢有司
賈人徒屬羣幣覲問及償幣官所具故亦展非聘享之重
自展自告上介不爲之視古文陳皮作陳幣

及郊又展如初 郊遠郊又展重玉

及館展幣于賈人之館如初 旅舍謂之館地官遣人掌委積凡國野之道十里有廬廬有飲食三十里有宿宿有路室五十里有市市有侯館侯館有積賈人館玉幣均在就展幣使知慎所守不展玉爲地褻

賓至于近郊張旌 復張旌表使館賓即舍帥士先入朝告賓至

君使下大夫請行反君使卿朝服用束帛勞上介出請入告賓禮辭迎于舍門之外再拜勞者不答拜賓揖先入受于舍門內勞者奉幣入東面致命賓北面聽命還少退再拜稽首受幣勞者出授老幣 請行請所適防疏賤臣所告不可據反受賓辭入告使卿以同爵得盡勞意勞謝遠辱上介出

請入告擯賓以尊卿禮辭再告而后迎門外門左勞者不
答拜衛命未致不承拜之爲己先入爲受位受于舍門內
據侯伯子男使若諸公之臣受勞當讓登聽命下拜登受
東面致命勞尙恩賓北面聽命守臣義還左還少退俛降
階位稽首敬命受幣進受北面卿授仍東面勞者出自出
老賓長臣授老幣老由賓左

出迎勞者勞者禮辭賓揖先入勞者從之乘皮設賓用束錦
僨勞者勞者再拜稽首受賓再拜稽首送幣勞者揖皮出乃
退賓送再拜出迎勞者將僨之四皮爲乘設直門左用束
錦降勞幣加禮來使曰僨再拜北面稽首敬賓所受于其
君受左還東面賓再拜稽首送幣答如其禮揖將出揖賓

皮出從者以受幣時進受執幣後皮故曰乃退

夫人使下大夫勞以二竹簋方玄被纁裏有蓋其實棗蒸栗
擇兼執之以進賓受棗大夫二手授栗賓之受如初禮僎之
如初 夫人使勞聘享例及使下大夫降君竹簋盛器二棗
栗異盛言方起竹簋有圓者被覆玄被纁裏備水火色蓋
編竹冒簋加蓋見文言有起常簋無蒸碩擇潔棗栗婦人
常摯兼執右棗左栗賓受棗拜進受先二手一手授栗右
授棗合執栗賓左手受如初禮勞者出授老簋

下大夫勞者遂以賓入至於朝主人曰不腆先君之祧既拚
以俟矣賓曰俟閒 遂以賓入既受僎請道賓不釋服不送
從之朝外朝賓至朝告至俟于皋門外訝入告主人主君

曰出擯辭腴猶閤麗不腴湫隘先君始封祖祧遷主不祧稱祧祧主所藏孫其名天子七廟二祧一壇一墠諸侯五廟無祧一壇一墠受聘于祖蓋假名大祖爲祧標建國之初兩先君恩好有舊革糞曰拊既拊以俟渴于受命主人以急爲誠從容曰聞初至煩菹非所以將事賓以緩爲敬大夫帥至于館大夫下大夫據賓辭入告公許命帥至館乃退不致嫌遂事介皆有帥

卿致館賓迎再拜卿致命賓再拜稽首卿退賓送再拜卿致館爲安賓本假大夫廟故銜命不用大夫賓迎門左西面卿致命傳授館辭門右東面再拜稽首受命北面送再拜如迎拜備主禮卿不入既稱致門內賓主之介皆不致

重正賓

宰夫朝服設殮飪一牢在西鼎九羞鼎三腥一牢在東鼎七堂上之饌八西夾六門外米禾皆二十車薪芻倍禾 宰夫掌賓客牢禮故主設朝服君所命夕食曰飧不以命致不欲亟拜煩賓熟食謂之飪牢大牢牲養于牢故稱牢在西庭西先西順賓位鼎九牛羊豕魚腊五腸胃同鼎膚鮮魚鮮腊三皆屬鼎羞鼎陪鼎當內廉三者腳臠臠皆東面北上南陳生肉曰腥東庭東由西及東豫鼎後設鼎七減于飪去鮮魚鮮腊西面北上南陳饌在堂上豆簋鉶簋不宜于庭八八豆首舉豆數饌主豆例可差八豆則八簋六鉶兩簋八壺西夾西夾室六六豆六豆則六簋四鉶兩簋六

壺東夾無饌標尚西設已盛門外廟門外館在廟米禾皆二十車十車以爲列米設門東禾設門西各二列皆衡陳薪芻倍禾皆四十車薪從米芻從禾皆在南各四列不言倍米米精非倫

上介飪一牢在西鼎七羞鼎三堂上之饌六門外米禾皆十車薪芻倍禾一牢亦大牢西亦庭西與賓異館故鼎七牛羊豕魚腊腸胃同鼎膚羞鼎三臠臠臠無腥鼎降于賓堂上饌六從賓西夾之數無西夾饌去其加猶腥鼎米禾皆十車減賓半各一列薪芻倍禾二十車因從差各二列眾介皆少牢羊豕具曰少牢皆少牢眾介又減于上介飪

鼎五羊豕魚腊腸胃同鼎去羞鼎降四豆嫌薄故堂上無

饌差五車非體故門外無陳

厥明訝賓于館賓皮弁聘至于朝賓入于次乃陳幣 厥明致館詰旦訝逆秋官有掌訝有訝士皆掌賓客送逆前驅而辟皮弁尊于朝服朝外朝門外入次適所私掌次先張之天官掌次掌以帟幕張大次小次陳幣將以叙入如展之陳

卿爲上擯大夫爲承擯士爲紹擯擯者出請事公皮弁迎賓于大門內大夫納賓賓入門左公再拜賓辟不答拜公揖入每門每曲揖及廟門公揖入立于中庭賓立接西塾 上擯以近公尊承接在中內接卿外接士紹續傳命與士介相續凡主國擯數各以其君之爵擯介相去步數亦如之使

臣各下其君二等主人聽命于賓客擯者士出請事傳君命由上擯遞傳紹擯以請下介遞傳上介以請賓賓稱辭仍由上介遞傳上擯以告公謂之旅擯名從主人也公皮弁用視朔服迎于大門內賓不敵大夫納賓承擯出請賓入門左豫辟位公再拜兼迎拜至拜誼爲賓禮賓辟少右還不答拜衡命且不敵公揖入揖由右廟在東門廟門每門起受于太祖每曲門內外皆有曲揖延徑行及廟門祖廟專門先入道賓立中庭俟設變迎位接近西塾外西塾今文無擯。

几筵既設擯者出請命賈人東面坐啟櫝取圭垂纁不起而授上介上介不襲執圭屈纁授賓賓襲執圭擯者入告出辭

玉 几彤几筵莞筵紛純設司宮設筵于戶牖間南鄉右几
先君靈爽馮之稱請命既陳擯知有國命賈人東面在眾
介西南垂纁如在國授宰儀表衣曰襲暫佐執故不襲屈
纁授賓如在國宰授使者儀賓襲執圭攝玉主襲爲敬既
執垂纁據在國受命儀入告告賓用玉出辭玉若曰君不
忘先君之好照臨敝邑鎮撫其社稷重之以大器寡君敢
辭玉賓若曰不腆敝玉不足辭也亦三辭而后訖

納賓賓入門左介皆入門左北面西上三揖至于階三讓公
升二等賓升西楹西東面擯者退中庭賓致命公左還北鄉
擯者進公當楣再拜賓三退負序公側襲受玉于中堂與東
楹之間擯者退負東塾而立賓降介逆出賓出公側授宰玉

楊降立 納賓公許受玉擯者出納賓入門左由闕西就賓位介皆入門左上介由棖闌開士介拂棖皆從賓北面西上賓在左三揖賓入公揖左還賓右還當階揖進中庭又揖行備揖節三讓備讓節公升二等以敵聘君尊賓升從公接等西楹西東面不敢當階擯者退起先從至阼階下中庭不當聞命賓致命稱聘辭公左還北鄉敬聘君命擯者進爲相拜公當楣再拜拜命起升時固阼階上東位西面三退深辟還嫌背公負序退極之限側襲左還辟賓受玉公右還進賓先進中堂南北中東楹間東西不中與猶及起賓就公退負東塾辟降賓降聘事畢介逆出逆爲叙側授右還宰受由公左袒衣曰褻去襲見褻受玉畢降立

復中庭位。今文介皆入無門。古文禘作賜。

擯者出請賓。禘奉束帛加璧享。擯者入告出許庭實。皮則攝之毛在內。內攝之入設也。賓入門左揖讓如初。升致命。張皮。公再拜受幣。士受皮者自後右。客賓出當之坐。攝之公側授宰幣。皮如入右首而東。出請禮重更端。賓禘享輕于聘。庭實從者執之。言則別馬入儀。攝猶卷嫌外卷。故曰毛在內。內猶上。左右交處。執在上曰內攝。據外豫法入設入爲設。儀北首西上。如在國夕幣儀。張皮外其毛。以堂上賓致命爲節。公再拜。仍當楣。賓仍退受幣。兼璧。士受皮以公受幣爲節。自後右客還其左北面。賓出降及庭當之坐。攝起坐西面。欲賓識所展。故以出爲攝節。如入毛在內。東授所司。

聘于夫人用璋享用琮如初禮 如初禮者夫人聘享亦公受之唯致命異耳。

若有言則以束帛如享禮 有言謂因聘所請則以束帛加之書不用璧如享起言在享後不干正禮。

摯者出請賓告事畢 猶出請禮順賓行不必來命事畢聘享言事公禮皆畢。

賓奉束錦以請覲摯者入告出辭 奉束錦下聘享覲見既將君命當修臣禮入見故別聘享爲之名即請不欲遲事出辭者賓勞于公恩意未及不當遽受私覲。

請禮賓賓禮辭聽命摯者入告宰夫徹几改筵公出迎賓以入揖讓如初公升側受几于序端宰夫內拂几三奉兩端以

進公東南鄉外拂几三卒振袂中攝之進西鄉擯者告賓進
訝受几于筵前東面俟公一拜送賓以几辟北面設几不降
階上答再拜稽首 請禮賓勞而醴之所以尊聘賓節公事
聘享畢神已陟將因几筵故徹改徹几俟序端改筵東首
西末公出由中庭及門內迎賓使擯者納揖賓入揖鄉階
揖中庭揖讓亦三故如初公從宰夫受故曰側爲生人將
襲神坐故拂近公爲授故內奉兩端欲公受得中公又拂
親之外變宰夫儀公拂用袂振爲宜受且去塵攝持公拂
時猶在宰夫手故中攝辟兩端進西鄉擬筵左設之擯者
告相几訝受迎受于筵前實筵東南豈公意若已得禮位
然東面俟遽設嫌背公一拜送非特設致禮意以几辟少

右還爲設地北面鄉筵設几筵左成公意不降階上答嫌降之遲答再拜稽首不敢因公一拜而輕答今文公側受無升訝爲梧

宰夫實饌以醴加柶于饌面枋公側受醴賓不降一拜進筵前受醴復位公拜送醴宰夫薦籩豆脯醢賓升筵擯者退負東塾賓祭脯醢以柶祭醴三庭實設降筵北面以柶兼諸饌尙擯坐啐醴公用束帛建柶北面奠于薦東實醴于東箱用饌以中爵醴宜饌面枋倚柶公得面葉側受公北面少左還不降一拜將不卒饌不敢同實受之拜退負東塾賓將祭無僨事賓祭不坐爲公在堂兼不欲褻神几庭實乘馬祭爲設節在庭不嫌先事降筵當筵末北面爲將坐啐

辟公兼合執枋背謂之攏尙猶外尙攏宜啐標成醴事用束帛爲饋幣宰夫授公自左卽用者因事致禮不過一獻奠薦東不欲卒

擯者進相幣賓降辭幣公降一等辭栗階升聽命降拜公辭升再拜稽首受幣當東楹北面退東面俟公一拜賓降也公再拜賓執左馬以出上介受賓幣從者訝受馬 擯者進以

賓奠觶興爲節相幣告賓公用幣賓降沒階辭幣已受醴公降一等禮降辭辭賓降栗階升公先升聽命授幣辭降拜拜命公辭辭下拜再拜稽首西階上北面受幣當東楹訝受北面欲公得南面公授自西面退直西階不必後命公一拜爲送幣賓降一拜爲節以降代辟公再拜賓降又

拜備送幣儀左馬西馬賓執重賜以出右三馬從上介受
賓幣公所親饋從者訝受馬兼受三馬

賓覲奉束錦總乘馬二人贊入門右北面奠幣再拜稽首擯
者辭賓出 賓覲因前請遂覲總兼四轡爲約執之二人贊
一人居兩馬間入門右北面從臣位贊者在左同面奠幣
不敢授再拜稽首疑成覲于位辭辭臣禮出不聽辭

擯者坐取幣出有司二人牽馬以從出門西面于東塾南擯
者請受賓禮辭聽命牽馬右之入設賓奉幣入門左介皆入
門左西上公揖讓如初升公北面再拜賓三退反還負序振
幣進授當東楹北面士受馬者自前還牽者後適其右受牽
馬者自前西乃出賓降階東拜送君辭拜也君降一等辭擯

者曰寡君從子雖將拜起也栗階升公西鄉賓階上再拜稽首公少退賓降出公側授宰幣馬出公降立 擯者坐北面取幣取賓奠幣有司二人牽馬贊者授從賓出西面東塾南辟主位請受請從賓禮受聽命進受擯者幣右之贊者牽馬居左爲賓不更總入設先設于庭變前入儀入門左從賓位介皆入門左西上佐賓初謂禮賓時揖讓如初起賓出公降及門內公北面再拜始與賓禮實爲拜受賓左還退右還反立每退反還以節三退故綜目反還至于負序變聘時三退儀振幣爲先奠潔進授當東楹北面不敢同聘享授位士受馬者亦有司前北還右還適其右受授者在左變受皮儀西者先授右還東者後授亦右還以次

從不逆出故曰自前西階東西階東從臣拜位君辭擯者傳命辭拜也賓不敢從辭命君降一等辭再辭之亟擯者曰舉亟辭見例從子從拜送起欲其升成拜將拜不當直言一拜雖將拜起未拜固起公西鄉先升示受拜少退伸敬外臣賓降側降出贊者先介逆馬出授校人以宰受幣爲節公降立仍門內位

擯者出請上介奉束錦士介四人皆奉玉錦束請覲擯者入告出許上介奉幣儷皮二人贊皆入門右東上奠幣皆再拜稽首擯者辭介逆出出請私事未畢奉束錦從賓降士介四人次介一人眾介三人中據侯伯使介爲例玉錦光潤儷玉降上介同請覲皆與禮接事不當自秩以煩公儷耦

二人贊人執一皮皆入門右從賓先入位東上士介在西執皮者西奠皮出奠幣皆奠北面皆再拜稽首公不答爲不受上介用皮變賓覲用馬士介無皮尤降。

擯者執上幣士執眾幣有司二人舉皮從其幣出請受委皮南面執幣者西面北上擯者請受介禮辭聽命皆進訝受其幣上介奉幣皮先入門左奠皮公再拜介振幣自皮西進北面授幣退復位再拜稽首送幣介出宰自公左受幣有司二人坐舉皮以東眾幣士介幣從其幣從眾幣請受釋執出意委皮南面東塾南順出位執幣者士也西面北上屬擯者爲位禮辭聽命上介代眾介禮故直稱介爲通目皆進訝受幣贊亦訝受皮上介奉幣當先入皮先變于先入時

從奠皮不敢同賓馬之授亦張之北首西上公再拜拜受
不以升副使無堂上禮自皮西進左還就公北面授幣公
受西面退復位門左皮西宰自公左受幣公側授坐舉皮
東面坐古文先入重入

擯者又納士介士介入門右奠幣再拜稽首擯者辭介逆出
擯者執上幣以出禮請受賓固辭公答再拜擯者出立于門
中以相拜士介皆辟士三人東上坐取幣立擯者進宰夫受
幣于中庭以東執幣者序從之擯者出請賓告事畢 又納
士介欲敘受門右奠幣終從臣禮辭辭臣禮介逆出成覲
上幣士介長幣禮請受一請止固猶終賓綜禮事故代辭
公答再拜起擯者入告許受出立門中居閒皆辟退從上

介後士主國有司三人上幣擯者已執東上起入奠位坐取幣北面立俟宰夫宰夫受幣受上幣于中庭起擯者復入因授猶出請私禮不可必告事畢私事亦畢

擯者入告公出送賓及大門內公問君賓對公再拜公問大夫賓對公勞賓賓再拜稽首公答拜公勞介介皆再拜稽首公答拜賓出公再拜送賓不顧公出送賓亦每門每曲揖及大門內復前迎賓位問君問興居及大門內始問私情後于公禮賓對無常辭公再拜遙祝之賓不辟疑立問大夫曾使至及有賢名者勞賓慰謝之再拜稽首謝恩命公答再拜勞介辯勞公答拜旅之賓出俟畢問公再拜送如迎拜賓不顧辟爲敬

賓請有事于大夫公禮辭許 有事大夫問大夫直公未入
因擯請餘禮不當面請在國雖受問命內臣義無外交得
請乃敢問禮辭爲大夫謝許遂賓之禮

賓卽館卿大夫勞賓賓不見大夫奠雁再拜上介受勞上介
亦如之 卽館歸所致問大夫不當與聘同日故得請而還
卿大夫勞賓起公據所請先使往問借名勞賓不見禮未
及大夫該卿雁通摯家之常畜奠門外北首再拜拜送上
介受出代賓辭遂受勞上介次介因擯受故亦如士介不
與勞賓請有事固不及士

君使卿韋弁歸饗餼五牢上介請事賓朝服禮辭有司入陳
饗餼一牢鼎九設于西階前陪鼎當內廉東面北上上當碑

南陳牛羊豕魚腊腸胃同鼎膚鮮魚鮮腊設局鼎臠臠臠蓋
陪牛羊豕復歸饗餼爲留賓使卿敵賓韋弁比皮弁生皮
謂之韋饗朝食別前設殮爲之名饗生物凡賓客饗牢賜
獻以二等從其爵而上下之五牢據侯伯使賓朝服爲視
陳上介請事擯如賓服禮辭國典不敢固有司宰胥入陳
不聽其辭饗通目任一牢先熟物設西階前直賓位倍鼎
陪正鼎內謂東廉猶邊東面鼎有面北上宮寢皆以堂爲
上廟有碑所以攷日景祭則于穿麗牲當中庭上當碑北
上節南陳適疏數腸胃同鼎內腑體殊不更殊臠牛臠臠
羊臠臠豕臠蓋別于正鼎局鼎陪猶直陪牛羊豕各當其
鼎釋內廉位今文歸爲饋

腥二牢鼎二七無鮮魚鮮腊設于阼階前西面南陳如飪鼎
二列 腥二牢牲已殺實鼎待飪屬飪牢而三二七牢七鼎
無鮮魚鮮腊減由末西面南陳取與飪鼎相對二列七以
爲列

堂上八豆設于戶西西陳皆二以竝東上韭菹其南醯醢屈
入簋繼之黍其南稷錯六鉶繼之牛以西羊豕豕南牛以東
羊豕兩簋繼之梁在北八壺設于西序北上二以竝南陳
八豆朝事豆先薦貴品曰朝事天官醯人掌四豆之實首
朝事次饋食次加豆次羞豆朝事八豆其實韭菹醯醢昌
本麋麇菁菹鹿麇苴菹麇戶西陳儼牖東賓筵位韭蔬
菜一種而久謂之韭菹制而酢之醢陳酒所和目首二豆

餘例可知。醢各從其菹，故皆二以竝。屈屈而西，又北陳簋盛黍稷方器。黍稷貴，故繼豆八。視豆爲數黍，禾屬黏者，以大暑種，謂之暑稷。齋五穀長變而相直，曰錯亦二以竝。西屈，鉶羹滫器，繼之。繼簋爲簋閒，鉶不可目，以所實牲滫爲目。牛以西羊豕。北一牢，西陳爲列豕，南牛，南屈以東羊豕。南一牢，東陳爲列簋，盛稻粱，圓器。兩賤穀以副，簋減梁黃米。梁在北，則稻在南。八壺黍清，各四黍酒在北。壺數視簋，飲與食配。設西序不雜正筵，爲賓陳，僣尊在西。然今文竝爲併。

西夾六豆，設于西墉下。北上韭菹，其東醢醢屈六簋繼之。黍其東稷，錯四鉶繼之。牛以南羊，羊東豕豕以北牛，兩簋繼之。

梁在西皆二以竝南陳六壺西上二以竝東陳西夾有設
陪堂上饌猶庭中陪鼎六豆朝事豆去茹菹麋醢屈者醢
醢南昌本其西麋醢南菁菹以東鹿醢六簋從豆減錯者
稷南黍其西稷稷南黍其東稷四鉶視堂上去一羊一豕
羊東豕屈東爲一牢豕以北牛與西牛鉶配重牛標所減
下牲兩簋同堂上不容更減梁在西其東稻六壺依簋之
減西上東陳壺自爲列

饌于東方亦如之西北上壺東上西陳東方東夾饌配西
夾亦如之如其數西北上如其位堂上饌已東上故從西
夾上西東上西陳標唯壺與西夾對饌

醢醢百糝夾碑十以爲列醢在東醢酸以酒醢醢糝凡

醯醢之數天子常供百二十甕諸公相爲客百二十甕侯伯百甕子男八十甕此據諸公臣列行十爲列夾碑各五列醢在東醢在西穀陽而肉陰純陳不錯

饌二牢陳于門西北面東上牛以西羊豕豕西牛羊豕饌二牢合飪腥而五門西門內西塾北北面北首牛西羊豕西陳爲一牢豕西牛羊豕繼陳爲一牢以生物不復陳皆西陳變庭實馬入儀

米百筥筥半斛設于中庭十以爲列北上黍梁稻皆二行稷四行禾去彙曰穀去稃曰米筥箱十升曰斗十斗曰斛半斛五斗北上醢醢南皆二行黍梁稻各二十筥稷四行四十筥以常食加亦共得十列其陳當西上黍東稷稷東梁

稻在梁東梁稻先稷以二行同黍兼見之從西夾簋簠所上位

門外米三十車車秉有五簋設于門東爲三列東陳門外復有米從者之供十簋曰秉十六斗曰簋設門東尙米三列車十而列東陳西上今文簋爲逾

禾三十車車三秬設于門西西陳薪芻倍禾有禾爲從者及牲畜豫十稷曰秬秬四百秉薪給炊芻秣馬薪芻多費故倍禾畢陳皆退賓入易服

賓皮弁迎大夫于外門外再拜大夫不答拜揖入及廟門賓揖入大夫奉束帛入三揖皆行至于階三讓大夫先升一等賓從升堂北面聽命大夫東面致命賓降階西再拜稽首拜

餽亦如之。大夫辭升成拜受幣。堂中西北面。大夫降出。賓降授老幣。賓更皮弁。依卿。韋弁。大夫謂卿外門外起卿來位。奉束帛。凡致命必有執。先升一等。使以命尊。北面聽命。如對君。賓立阼階上。東面致命。饗賓西面降階。西就臣位。再拜稽首。不殊餽與腥。拜餽殊餽。起致命。以饗餽爲目。大夫辭稱有後命。無下拜。升成拜。若君在。然會其文。實再降再辭。再升堂中楹間西北面。起大夫授幣東南面。異于當君北面。降授老幣。由碑內至阼階東。今文至于階讓。

出迎大夫。大夫禮辭許入揖讓如初。賓升一等。大夫從升堂。庭實設馬乘。賓降堂受老束錦。大夫止賓奉幣西面。大夫東面。賓致幣。大夫對北面當楣再拜稽首受幣于楹間。南面退。

東面俟賓再拜稽首送幣大夫降執左馬以出賓送于外門外再拜出迎大夫將僨賓升一等既受命全乎賓大夫從升堂既致命宜讓賓降堂不盡階受老東錦老以帛入以錦出大夫止賓側降賓西面大夫東面敵致幣稱致辭大夫對稱謝辭再拜稽首尊國賓尊僨幣受幣楹間敵南面起賓授同面爲幣受自公退直西階上東面俟俟送幣賓再拜稽首如大夫拜執左馬出標親受。

明日賓拜于朝拜饗與餼皆再拜稽首明日歸禮詰朝遲爲慢拜謝大禮朝外朝門外饗與餼殊拜致命受命本殊君不見訝聽之入告出辭乃退介不從使者兼主其禮故于此言之。

上介饗餼三牢。飪一牢在西鼎，七羞鼎，三腥一牢在東鼎。七堂上之饌，六西夾亦如之。簠及簋如上賓饌，一牢門外米禾視死牢。牢十車薪芻倍禾，凡其實與其陳如上賓。下大夫韋弁用束帛致之上介。韋弁以受如賓禮。饗餼三牢，下賓二等。鼎七，去鮮魚鮮腊羞。鼎三，亦臠臠臠。陪牛羊豕腥鼎七。視飪鼎不降。堂上饌六，同賓。西夾饌，西夾亦如之。不更降。無東夾饌，減于陪。簠及簋，日所常供。故如上賓饌，一牢不過腥米禾同在門外。米束禾西視猶法死牢。謂腥牢十車，十車當一牢。飪與餼皆一牢。中舉腥爲例。米禾各十車，薪芻倍禾，各二十車。凡通目實據所盛物與數。陳據內外位。如上賓，故不復出，使下大夫以同爵。韋弁如卿，致服。上介

視設受命如賓服兩馬減于賓饋

士介四人皆餼大牢米百筥設于門外宰夫朝服牽牛以致之士介朝服北面再拜稽首受無償 餼大牢從其豐羞上介二等止一牢故無飪與腥爲致飧已歸熟也去饌與糝殺其盛也餼陳門西牛在東以西羊豕言皆亦殊致米百筥設門外在牲南十爲列東西各五列無禾與薪芻從者諸畜之費給自上賓宰夫胥屬朝服別于卿大夫致服牽牛牛爲牢首致不以束帛故羣之將命宰夫東面上介朝服如宰夫服北面于門東受進由宰夫後適其左受以東贊者受羊豕以從宰夫退士介拜送無償歸禮簡

賓朝服問卿卿受于祖廟下大夫擯擯者出請事大夫朝服

迎于外門外再拜賓不答拜揖大夫先入每門每曲揖及廟
門大夫揖入擯者請命庭實設四皮賓奉束帛入三揖皆行
至于階三讓賓升一等大夫從升堂北面聽命賓東面致命
大夫降階西再拜稽首賓辭升成拜受幣堂中西北面賓降
出大夫降授老幣無償 朝服變受饗餼服問別聘爲名亦
君命祖廟犬祖廟卿受于祖下大夫亦受于祖起賓館大
夫在禰下大夫擯當上介請事例請賓稱有問命請問大
夫謂卿朝服如賓服揖大夫揖賓大夫揖入賓未從請命
既知問請受命庭實設先入設從升堂不問等辟君賓辭
稱己君命辭下拜賓降出不送猶將請事無償有饗食與
贈之節不僭君禮今文至于階讓

擯者出請事賓面如覲幣賓奉幣庭實從入門右大夫辭賓
遂左庭實設揖讓如初大夫升一等賓從之大夫西面賓稱
面大夫對北面當楣再拜受幣于楹間南面退西面立賓當
楣再拜送幣降出大夫降授老幣 面晤賓面請面面降覲
爲名實比覲故如覲幣庭實從變問時先設入門右私面
謙從降等大夫辭親辭賓遂左不更出庭實設不目例用
馬皮可代唯其有大夫先升一等賓從得依主賓禮賓謙
從降等大夫西面變受問命面賓仍東面稱面大夫對皆
從相見辭當楣再拜用敵禮受幣南面尊聘賓使授得同
面楹間受幣則有司受庭實

擯者出請事上介特面幣如覲介奉幣皮二人贊入門右奠

幣再拜大夫辭擯者反幣庭實設介奉幣入大夫揖讓如初
介升大夫再拜受介降拜大夫降辭介升再拜送幣 言特
異覲得自別于士介幣如覲束錦皮儼皮二人贊目入儀
奠幣再拜僣成面于門右標降賓大夫辭則介出反幣舉
奠幣出請受無舉皮者反幣見禮贊固未奠庭實設遂左
設介奉幣入入門左介升不稱面降于賓大夫再拜北面
當楣受進楹間西面介降拜不敵大夫降辭不敢辭于上
升再拜送幣則降出大夫降授老幣今文曰庭實入設

擯者出請眾介面如覲幣入門右奠幣皆再拜大夫辭介逆
出擯者執上幣出禮請受賓辭大夫答再拜擯者執上幣立
于門中以相拜士介皆辟老受擯者幣于中庭士三人坐取

羣幣以從之。眾介面同請面如覲幣。玉錦束無庭實降上介不得過于覲。逆出成覲。執上幣羣幣不從。禮請受。士卑賓辭。代士介固辭。猶覲時請受之辭。大夫答拜。見擯者執入。知賓代辭。擯者尙未進。故立門中相拜。士介聞相拜。故辟。士三人。家臣屬從從老。

擯者出請事。賓出大夫送于外門外。再拜。賓不顧。擯者退。大夫拜辱。賓出待士介畢。面告事畢。乃出。有事由賓請。當要其成。大夫送拜。擯者告乃出。外門外迎位。起上介眾介先從。賓入請面。皆于廟門外。擯者退問面。或及拜辱。屈其擯。實拜送。士擯大夫亦如之。

下大夫嘗使至者幣及之上介朝服三介問下大夫如卿受。

幣之禮其面如賓面于卿之禮 嘗使至嘗以公使至賓國
幣及問命及起別于卿未嘗使至亦及言及或者或病不
親受命皆及朝服如問卿服三介問備儀從士介如卿受
幣敬問命如賓面卿敵士介面仍同面卿禮

大夫若不見君使大夫各以其爵爲之受如主人受幣禮不
拜 大夫上下通目不見謂有故各以其爵使卿當賓下大
夫當上介不拜爲代受凡奉使不拜辟正主

夕夫人使下大夫韋弁歸禮堂上饗豆六設于戶東西上二
以竝東陳壺設于東序北上二以竝南陳醢黍清皆兩壺大
夫以束帛致之賓如受饗之禮僨之乘馬束錦 夕既問之
夕聘享及夫人故歸禮不屬歸饗夕問爲文使下大夫如

勞之使羣弁如卿歸饗服稱禮內禮饌爲正邊豆六降饗
饌二戶東西上依東房與饗饌戶西東上對壺設東序從
邊豆夫人之禮宜近內北上南陳配饗壺西序位醖陳酒
黍新舊適之黍酒清新酒醖清皆釀雜穀故中目黍無簋
簋鉶爲設飲不得如君之兼食其他皆減夫人之禮不下
堂乘馬束錦如饗之儼賓不敢以君差夫人

上介四豆四邊四壺受之如賓禮儼之兩馬束錦豆籩壺
皆四降賓二受如賓則束帛致之如歸賓兩馬束錦如受
饗儼歸賓及上介不更及眾介

明日賓拜禮于朝明日速事拜禮如饗之拜

大夫饗賓大牢米八筐賓迎再拜老牽牛以致之賓再拜稽

首受老退賓再拜送 大夫幣所及有餼荅問命亦爲君優
賓竹器員曰筥方曰筐米八筐黍梁稷稻各二筐筐五斛
牽牛致門西東面再拜稽首受大夫餼亦稟君命備稻據
其隆

上介亦如之 不降上介大夫不卑大夫

眾介皆少牢米六筐皆士牽羊以致之 及眾介受其面皆
餼取君下禮少牢降于君餼米六筐黍梁稷各二去稻士
家臣牽羊致首牲

公子賓一食再饗燕與羞倣獻無常數賓介皆明日拜于朝
一食食嚴再饗饗亦盛燕禮輕羞該庶羞房中羞倣初謂
鮮味稱獻進時假名無常數隆其惠寬其格明日綜受賜

禮之來朝拜拜賜兼言介與小禮許從竝起自有食饗今
文饗爲鄉

上介一食一饗 一食一饗降賓特爲禮尊上介燕固爲賓
士介無食饗有賜得受燕與羞

若不親食使大夫各以其爵朝服致之以侑幣如致饗無償
致饗以酬幣亦如之 不親食君有故使各以爵卿致賓下
大夫致上介朝服變歸饗儼服勸食曰侑以侑幣致用束
帛比親食之用侑幣致時以爲稱無償非宜致者饗禮酬
亦用幣致以酬幣用束帛如饗酬致時稱酬別于食幣必
致各有數焉國之典也無常數者不致古文侑作宥

大夫于賓一饗一食上介若食若饗 皆一不儼君言若酌

用其一

若不親饗則公作大夫致之以酬幣致食以侑幣 致言公作標大夫食饗賓介有常例不容自專以簡禮公言若不親食大夫言若不親饗錯見成誼復別致幣嫌大夫得從殺不用幣

君使卿皮弁還玉于館賓皮弁襲迎于外門外不拜帥大夫以入大夫升自西階鉤楹賓自碑內聽命升自西階自左南面受圭退負右房而立大夫降中庭賓降自碑內東面授上介于阼階東 使卿聘享皆上賓事玉圭禮成而還賁信之誼皮弁擬賓聘服不襲別于聘賓皮弁襲比主君受玉服不敢爲玉主故不拜鉤楹由西楹西折而北乃左還南面

自碑內聽命對玉如對己君不敢升嫌同主君受命禮升
自西階本非玉主自左自大夫左攝主從主位南面受圭
起大夫授同面尊聘賓賓不北面嫌君大夫退左還由卿
北負右房立從賓位讓降大夫降中庭當碑南爲賓降節
自碑內辟大夫東面東行授上介上介授賈人今文曰迎
于門外古文帥爲率今文曰由自西階無南面
上介出請賓迎大夫還璋如初入賓迎襲迎因上介以還
璋告如初入亦如初出姦庭堂事

賓謁迎大夫賄用束紡賓謁起受璋仍襲迎因大夫請賄
厚報曰賄圭璋特達不加于幣再還乃賄更端諱名報聘
爲信紡交絲所織精于帛用束紡故稱賄別還聘玉爲一

節

禮玉束帛乘皮 玉謂璧琮稱禮因加幣爲庭實先可正名報禮別報享玉爲一節今文禮作禮

皆如還玉禮 玉謂圭璋皆皆用賄與禮王禮璧禮琮亦兩節嫌輕于聘故如之

大夫出賓送不拜 出五禮畢不拜送如迎

公館賓賓辟上介聽命聘享夫人之聘享問大夫送賓公皆再拜公退 館賓適賓館自致館公未造于將歸禮之不敢言不見故稱辟上介聽命擯賓以待公皆皆六事聘享夫人聘享問大夫拜致命送賓拜復命皆有辭公退自退

賓從請命于朝公辭賓退 賓從接事爲敬實謝公辱言請

命者若防公有他命來將以歸報然也公辭訝出辭其請賓退不拜若本爲請命來然

賓三拜乘禽于朝訝聽之乘禽耦處之畜既歸饗旬而稍宰夫歸乘禽日如饗餼之數他皆明日此拜于請命後者大禮之餘不當僕僕爲煩曾其終焉訝掌訝或訝士凡賓客小治訝聽之介不從沿拜饗餼意

遂行舍于郊言遂不更辭舍于郊如在國受命出行之始公使卿贈如覲幣受于舍門外如受勞禮無僨使下大夫贈上介亦如之使士贈衆介如其覲幣使卿敵賓以財物送行曰贈如覲幣束錦乘馬標報覲報于郊覲私贈亦私受于舍門外不更入如受勞禮郊贈與郊勞終始相成故無

饋既行不當煩賓費使下大夫贈上介等其秩亦如之幣如覲禮如勞無饋使士贈眾介幣雖不及代君報覲當禮同覲如覲幣玉錦束今文公爲君。

大夫親贈如其面幣無饋贈上介亦如之使人贈眾介如其面幣言親不以使尊賓如面幣標報面不如問幣問公也公專其報姦于贈矣贈上介亦如之不卑上介亦親幣亦如面微者稱人謂私臣如面幣幣實皆如覲以私報不得相如大夫嘗使至者贈亦如之夫人無贈來時不覲士與士無贈士無特面。

士送至于竟士訝士送至竟竟外非國命所及賓出竟士反命。

使者歸及郊請反命朝服載膺禴乃入 使者歸所經國不更假道關人出納之郊出國所舍請反命防行後同官親戚有故辭及之君不命入斯不入矣朝服仍受命時服載膺表歸節謂得請禴祓除之祭行道久自潔齊乃入入國乃入陳幣于朝西上上賓之公幣私幣皆陳上介公幣陳他介皆否束帛各加其庭實皮左 入入朝幣聘所得朝外朝西上陳如夕幣賓公幣勞僎歸禮侑酬賄禮玉贈幣私幣大夫食侑饗酬及大夫贈幣皆陳無私受上介公幣歸禮公食饗及贈幣公幣陳則私幣不陳他介眾介皆否公私所得俱薄不足陳束帛各加庭實識所別皮左尙左帛加左馬則奠幣于前

公南鄉卿進使者使者執圭垂纁北面上介執璋屈纁立于其左反命曰以君命聘于某君某君受幣于某宮某君再拜以享某君某君再拜宰自公左受玉受上介璋致命亦如之執貺幣以告曰某君使某子貺授宰禮玉亦如之執禮幣以盡言賜禮公曰然而不善乎授上介幣再拜稽首公答再拜私幣不告君勞之再拜稽首君答再拜若有獻則曰某君之賜也君其以賜乎上介徒以公賜告如上賓之禮君勞之再拜稽首君答拜勞士介亦如之君使宰賜使者幣使者再拜稽首賜介介皆再拜稽首乃退卿進使者如受命之進使者執圭由上介授垂纁見玉上介執璋賈人授不徒立屈纁俟復聘享命立其左受命時固接聞某君國舉幣謂圭

某宮謚舉再拜。識敬君。續稱享。受享命。繼聘。宰自公左受玉。適使者右同面。受上介璋。同面垂纁。稱致。變反命。聘享夫人命。亦如。畧如辭。若曰。以君命聘某君夫人。某君再拜。以享某君夫人。某君再拜。賄幣束紃。答聘之幣。某子氏舉。還玉之卿。授宰。以賄幣重宰。同面受禮玉。答享之束帛。乘皮。亦如之。執加璧琬。如賄幣之告授。若有言。亦奉幣加書。以告禮幣。別聘享幣爲稱。執以盡。依受次禮。猶物言。賜禮。均稱。因聘。享受賜之物。然。是而汝不。豈不善。嘉其不辱命。授上介幣。綜執以盡。皆還授。上介受奠如陳。再拜稽首。復命畢。私幣不告。辟瀆勞之。慰遠役。若有獻。謂方物異產。受賜不在常格者。其以賜。不必當公意。徒不執。公賜公幣。告。

亦言賜禮勞士介士介無告因勞上介及使宰賜使者幣使臣以禮私幣外加賜無定數賜介玆上介束錦士介玉鉤有差乃退公皆答拜揖入使者出介從從者訝受幣介皆送至使使者之門乃退揖使者拜其辱皆送至門如將受命時俟位乃退無拜節揖揖使者代拜拜其辱不稱拜送介之起眾介送上介如之

釋幣于門乃至于廟筵几于室薦脯醢醢酒陳席于阼薦脯醢三獻一人舉爵獻從者行酬乃出門外門大夫三祀曰族厲曰門曰行出先行入先門釋幣奠門中國外既告埋門西至于廟猶生時反面之誼乃者以釋幣于門遲之薦脯醢起豫豆遵醢酒不用醴觴爵陳謂告奠席阼祝代神

酢主人位薦脯醢以受祝酌爲節三獻主婦再獻室老終
獻一人家臣長舉爵舉于主人主人奠于薦左從者從出
者獻士西階上私人東階上行酬畢獻取一人所舉爲酬
遂之于下乃出皆歸

上介至亦如之上介至衆介送至門乃退亦如之以出時
釋幣如使者不言衆介亦如始行之畧

聘遭喪入竟則遂也不郊勞不筵几不禮賓主人畢歸禮賓
唯饗餼之受不賄不禮玉不贈更言聘爲變制發首遭喪
謂所聘君薨入竟謂既謁關人遂遂聘事從諸事之士入
起未入則反主人猶受賓以好來辱不郊勞子不言無勞
命不筵几聘先君不得受于祖在殯宮不忍遽禫賓致命

于殯奠圭于柩前代受者取圭授宰降西階以東子俟于
哭位不禮賓無筵几子不得獻饋禮謂殯饗饗食畢歸帥
先典辭若曰先君之禮敢以歸吾子唯饗餼之受正禮來
設尙可取資子不受聘故不賄不受享故不禮玉不受覲
故不贈

夫人世子之喪君不受使大夫受于廟其他如遭君喪夫
人世子皆君主其喪不當以純凶接吉賓故不受使大夫
以其爵廟祖廟大夫讓升降阼階西聽命升西階南面自
賓左受玉賓降乃降由碑內授宰其他謂禮所宜降

遭喪將命于大夫主人長衣練冠以受再言遭喪欲專見
君薨受聘儀子不出命故沒使文稱將命大夫實告殯據

受玉目大夫主人攝主長衣卽深衣繼袂揜尺爲易衰練冠練葛小祥冠爲易免經暫服卽事不當以純凶代受起夫人世子喪代受于廟同服賓仍聘服致命畢出易服入臨因大夫從君服恐人疑所服

聘君若薨于後入竟則遂訃者未至則哭于巷衰于館受禮不受饗食訃者至則衰而出唯稍受之 聘君使聘君薨于後使者遠行後入竟則遂以吉服將事未入竟則反訃者未至謂既聘未至知薨傳聞捷于訃者巷里中道宮中巷謂之壺假里名哭于巷不當哭于廟庭衰斬衰于館不以出受禮兼殯與饗餼不受饗食辟吉席訃者至至館則亦至朝諸侯相爲服斬所聘君有服故衰而出稍未出有漸

因爲繼廩之名唯稍受則禽羞俶獻辭古文計作赴

歸執圭復命于殯升自西階不升堂子即位不哭辯復命如
聘子臣皆哭與介入北鄉哭出袒括髮入門右即位踊歸
至朝至郊不請子不敢拒先君之使執圭據聘起例復命
于殯告成君志升西階鄉肆位不升堂殯在夫人哭位在
嗣君未逾年稱子即位阼階下西面不哭不亂神聽辯復
命如聘陳幣授幣亦如之使者無獻子無勞無賜幣臣謂
居者皆哭因復命思先君與介入復命出更爲奔喪入北
鄉哭入門左對殯儼始薨復出爲變儀袒左免衣括髮約
髮以麻儼小斂後始見殯猶新喪也介皆如賓入門右北
面介皆在其左如受命時位再臨則從居者位踊躍哀鬱

于中奮以自洩凡踊三爲節成踊出視聞喪蚤晏爲歸留
若有私喪則哭于館衰而居不饗食歸使眾介先衰而從之
私喪使者父母喪不別人竟未入竟不當以家事辭國事
哭于館因廟爲位衰而居不當以出不饗食不忍接驩情
致則受不以私喪辭公禮他皆如聘歸禮成使眾介先將
與上介圖復命若不命復則使上介代歸奔喪矣衰而從
待請命不敢後若未入竟聞喪徐行而不反君命代之禮也
介有私喪亦如之

賓入竟而死遂也主人爲之具而殯介攝其命君弔介爲主
人主人歸禮幣必以用介受賓禮無辭也不饗食歸介復命
柩止于門外介卒復命出奉柩送之君弔卒殯遂上介遂

聘未入竟則改命主人主君具歛具殯暫殯于館攝代命致聘致享受時所接聞次介爲之副君所聘君弔問死之名君弔姦殯前殯後介爲主人亦上介代喪主雖有親戚哭于位不接君禮幣襚贈賻等幣必以用起主人當視爵具幣賓禮上賓當受禮介受無辭代賓即賓起次介得受上介禮不饗食大夫相爲服錫衰主人當成其義致之斯受之矣歸介復命因出攝命柩棺門外外朝門外止門外柩造朝終使事豈死心卒猶辯出退朝奉柩送之主喪當視殯君弔卒殯比死于國視大斂禮

若大夫介卒亦如之 大夫介據大聘上介亦如之爵尊主國待之儼賓君待之儼使賓待之儼同官士介待之儼主

士介死爲之棺斂之君不弔焉 爲之主人使有司治之所
以揜尸曰棺斂之綜具小斂大斂物君主君不弔疏也

若賓死未將命則既斂于棺造于朝介將命 言未將命起
前稱賓入竟死兼有既將命儀斂棺造朝標使者志在公
役介將命如奉死者命轉致然

若介死歸復命唯上介造于朝 若介死謂士介唯上介造
朝當贊授玉幣眾介治其喪賓爲之告

若介死雖士介賓既復命往卒殯乃歸 若介死通大夫介
眾介言雖窮諸士賓復命往上介從眾介送柩先往卒殯
乃歸禍難相維同役之義

小聘曰問不享有獻不及夫人主人不筵几不禮面不升不

郊勞其禮如爲介三介 歲聘稱小使下大夫問降名同大聘有事大夫名不享減庭實有獻容致異物不及夫人君無享起聘有獻得及不筵几受于廟小禮不瀆不禮聽請覲而比覲亦降名不升如爲介覲不郊勞請行士帥之起殺郊贈其禮殯饗餼饗食等如爲介如聘爲大夫介三介以士介備

記久無事則聘焉 久歷歲時事凶灾嘉好會盟聘該小大

若有故則卒聘束帛加書將命百名以上書于冊不及百名書于方主人使人與客讀諸門外客將歸使大夫以其束帛反命于館明日君館之 故國有告請所謂有言則

卒聘埒正禮文謂之名事代言曰書冊編簡方小板主人所聘君人內史凡四方之書內史讀之客炫賓既授幣客出史受書門廟門讀諸門外亦別于正禮與客使校所受命客將歸禮畢行有期以其束帛證書爲信反命于館亦加書明日君館期反命在還玉後

既受行出遂見宰問幾月之齋稱受行圖事畢受使命聘國可日出退朝遂見宰齋宰所料齋行資幾月行限假齋名實因宰請歸期今文齋作資

使者既受行日朝同位行日兼出日反日稱受君命客其閒有朝事同位同居者位起未夕幣不異位

出祖釋軼祭酒脯乃飲酒于其側出出國門祖徂親故

會餞曰祖。謂由是成行。輶車祭名。以賓奠稱釋。酒陳車左。使者酌脯。備豆籩。從者薦祭。祭兩軹。先左後右。升祭軌。夏官大馭戎僕。皆有犯軼儀。燕亦取軼。脯蓋犬羊通用。其側車左。飲其側。終祖事。古文軼作被。

所以朝天子。圭與纁皆九寸。剡上寸半。厚半寸。博三寸。纁三采六等。朱白倉。言朝舉重。皆九寸。纁用圭度。據上公。剡銳。剡上寸半。圓象天。讓天子。厚半寸。博三寸。宜執三采。絲色等。猶成六等。織各再開。朱白倉。用南西東方色爲間。次。今文纁作璫。

問諸侯。朱絲纁八寸。皆立纁。繫長尺。絢組。小聘曰問。據上公。別有問圭。同于天子。朱絲纁。用南東方色。二采則四。

等纁八寸起圭短朝圭一寸皆皆朝問結纁曰繫玄纁左
玄右纁垂屈易識加色曰紃小辨曰組謂繫質今文紃作
約

問大夫之幣俟于郊爲肆又齋皮馬 俟宰夫從載幣郊
出祖地俟郊降覲幣不夕別公禮肆設卿多寡與大夫嘗
使至具閱歷設齋猶加又齋皮馬從以庭實起加奠如夕
既授反命古文肆爲肄

辭無常孫而說辭多則史少則不達辭苟足以達義之至
也辭曰非禮也敢對曰非禮也敢 凡出使受命不受辭
非可豫故無常孫理說安史掌文誥辭繇似之達達意義
宜辭讓對答皆稱敢標不敢約舉辭對爲例今文至爲砥

卿館于大夫大夫館于士士館于工商 經言致館不地
故釋于大夫下大夫大夫上介于士中下士皆于廟士眾
介工商庶人在官者辟正寢館之不于同爵伸賓尊首題
卿據大聘小聘亦如之

管人爲客三日具沐五日具浴 筦人司筦鑪及糞掃者
沐沐面浴浴身三日五日主人命限辟疏數失節

殮不致賓不拜沐浴而食之 殮不致姦于致館賓不拜
無命沐浴筦人所具以致館日爲始後則錯沐浴而食重
賜

卿大夫訝大夫士訝士皆有訝賓即館訝將公命又見之
以其摯賓既將公事復見之以其摯 皆有以胥徒訝聽

賓客之治當下其等。即館致館後，將公命以命訝告入門。左東面，又見復入私見，相接贊治，宜有見禮，以其摯。卿訝以雁，大夫訝以雉，士訝以匹禽。公事聘享與問復，反復見以其摯，稱見實還摯，訝不見奠摯再拜而退。

凡四器者，唯其所寶以聘可也。器謂玉、四器、信圭、躬圭、穀璧、蒲璧，唯其所寶視封爵以聘可也。起前記問諸侯，朱緣纁八寸，特舉上公。此標侯伯子男用守圭，兼起上公有用守圭制。

宗人授次，次以帷少退于君之次。宗人猶春官都宗人家宗人，掌衣服宮室車旗禁令者。授次，授賓掌次，以帷兼有旁巾可蔽，不爲張，得自適大小高下。君有次在門西，諸

侯相朝各以命數所去之步爲次少退下二等君雖不在禮有常差。

上介執圭如重投資賓入門皇升堂讓將授志趨授如爭承下如送君還而后退下階發氣怡焉再三舉足又趨及門正焉如重如不克皇大謂盛其容讓非敵志心所之志趨欲趨而未敢如爭執之固下縑氏如送已授而虛承君還右還謂側授時退反西階發舒怡安發氣怡變堂上屏氣再三舉足試靜定又趨起退後皆趨正莊其色不爲將出肆執璋亦如之此專記聘容古文皇作王。

執圭入門鞠躬焉如恐失之及享發氣焉盈容累介北面蹌焉私覲愉愉焉出如舒雁鞠局鞠躬狀其形如恐失。

狀其意氣和氣盛充皆謂賓踴動自敕則色動北面謂聘
享時衆介在門西愉愉豫順意如舒雁如雁舒翼運行重
而安兼記聘享私覲之容

皇且行入門主敬升堂主愼 複記聘賓用心前記入門
皇此記門外先皇入門不敢亢禮故主敬升堂致命防誤
授玉防隕故主愼此分聘時門外庭中堂上爲三節蔽以
皇敬愼三言欲賓熟佩

凡庭實隨入左先皮馬相間可也 凡庭實綜享與覲隨
入令屬左先西上後者以次而右經錯見享以皮覲以馬
記稱皮馬爲竝有者標入節先皮後馬純入固例若相間
者一皮一馬錯入成文入亦皮北馬南不相乘值可者許

其錯不違禮。古文間作干。

賓之幣唯馬。出其餘皆束。特記賓覲。賅介覲馬稱幣。同之錦與皮。唯馬出。嫌皮從出。其餘上介士介幣皆束等之公幣。

多貨則傷于德。幣美則沒禮。貨謂享之庭實。雖物產殊珍。唯限皮馬。嫌聘君有矜誇德。所聘君有貪冒德。皆傷嘉德。幣謂享之束帛。美則沒禮。釋正禮不用錦。存純質。所以章古道。謂聘國以德禮來。

賄在聘于賄。賄謂束紆于。曰。在聘于賄。因報聘加名。他不稱賄。嫌近賂。禮玉名正。不需釋。謂主國以德禮報。古文賄作悔。

凡執玉無藉者襲藉謂縹無藉謂垂縹釋聘時賓襲公襲

禮不拜至禮聘制不拜至賓執玉入不可荅醴時又非初至也今文禮作醴

醴尊于東箱瓦大一有豐薦脯五臠祭半臠橫之祭醴再扱始扱一祭卒再祭東箱東夾臠制脰尺二寸祭半臠制祭臠法橫加于上別縮臠扱扱再扱綜目卒終再祭再扱釋經以相祭醴三

主人之庭實則主人遂以出賓之士訝受之主人主君庭實醴時用侑代賓所陳主人有司遂以出謂右三馬士賓家臣

既覲賓若私獻奉獻將命擯者入告出禮辭賓東面坐奠
獻再拜稽首擯者東面坐取獻舉以入告出禮請受賓固
辭公答再拜擯者立于闕外以相拜賓辟擯者授宰夫于
中庭 言既覲標私獻繼士介覲私獻賓自貢土物東面
鄉公門內位坐奠不入降于士介覲東面坐取奠自其後
還當賓左同面公答再拜擯者反至闕公見之立闕外不
得進因相拜令賓聞授宰夫于中庭因告授獻欲公見之
古文闕爲蹙

若兄弟之國則問夫人若君不見使大夫受自下聽命自
西階升受負右房而立賓降亦降不禮 兄弟同姓及昏
姻問夫人謂覲君出更請比覲君小聘則稱面君不見通

有故不受聘爲例大夫卿自下西階東北面自西階升不敢由阼辟君專階受由賓左南面自下聽命姪夫人內命升受姪夫人私幣負右房立退從降位亦降賓降碑南時進授宰于阼階東因以入不醴攝非正主亦覲無醴法今文無而醴作禮

幣之所及皆勞不釋服 幣及因賓請有事君使勞知及皆勞若有故皆使致不待先施不釋服退朝卽勞釋勞服之爲皮弁

賜饗唯羹飪筮一尸若昭若穆僕爲祝祝曰孝孫某孝子某薦嘉禮于皇祖某甫皇考某子如饋食之禮假器于大夫盼肉及庖車 饗飪牢據賓曰賜羹謂饗飪餞之言唯

起腥與饌不祭筮一尸筮子孫從者于館門外榮主君賜將饌祭昭穆父祖相間廟名若昭若穆容父在祭祖告神曰祝僕爲祝不從孫子祖考兩舉唯昭穆所當嘉禮善其稱非歲事如饋食大夫時祭舊有大牢饋食禮唯吉祭宜配不稱配蓋以婦人不與外禮事死同于生器祭器假貸祭器不踰竟故假大夫館主訝與筦人治之肉胙胾頒庾猶夏官庾人掌攻教閑馬者車車人猶春官巾車及廋車以從行勞起無不及上介受饗亦如之士介無飪鼎不祭古文羹爲羔飪爲脰今文曰如饋食禮古文盼作紛

聘日致饗明日問大夫夕夫人歸禮聘日致饗敏于禮明日問大夫異尊卑夕問大夫夕夫人歸禮雖降君宜後

猶不間日今文歸作饋

既致饗旬而稍宰夫始歸乘禽日如其饗餼之數士中日則二雙凡獻執一雙委其餘于面禽羞俶獻比 十日爲旬據致饗日數旬而稍旬內饗餼給旬而未歸或有故稍則委人共之始歸同稍日如饗餼數賓五上介三中日間日兩隻曰雙雙當一牢士餼一牢日歸嫌薄中日二雙縮而贏之凡通賓介執一雙請致委真面前賓介不見擯者受之禽羞以鮮物爲羞筯羞豆實比羞如乘禽古文曰餼致饗

歸大禮之日既受饗餼請觀訝帥之自下門入各以其爵朝服 大禮饗餼以隆于夫人夕禮稱大觀游宮門雙闕

月朔縣法其高可望故謂之觀請者入其國當覘其宮室
城郭人民物產之美富廣才練識歸以厲君修政訝帥請
因訝下門皋門各以餼賓介異訝問難宜朝服易受饗餼
服。

士無饗無饗者無餼 無餼歸禮薄致猶無幣

大夫不敢辭君初爲之辭矣 不敢辭謂受問請事時初
謂賓請有事大夫時爲之辭君爲主

凡致禮皆用其饗之加籩豆 禮兼饗食致釋若不親言

凡通公與大夫言皆概饗與食天官籩人掌四籩之實加
籩之實菱芡栗脯菱芡栗脯醯人掌四豆之實加豆之實
芹蒞兔醢深蒲醢醢筍蒞魚醢皆用舉饗例食

無饗者無饗禮 無饗謂士不饗饗隆因隆因殺取相稱
無饗亦無食唯燕得與。

凡餼大夫黍梁稷筐五斛 餼大夫謂大夫餼賓介凡通
大小聘用三米去稻降君舉大夫例士介以君餼士介米
百筥同賓大夫不敢更降也筐五斛賓與上介皆四十斛
眾介各三十斛

既將公事實請歸 公事聘享有言及問大夫將猶成既
將主國報命具起食饗與燕皆在公事未成間請歸受行
有期日因拜饗食請非促主人釋使卿還玉之由非促賓
凡賓拜于朝訝聽之 凡通目拜賜聽猶治訝聽者公不
見訝出辭賓皆成拜而退。

燕則上介爲賓賓爲苟敬宰夫獻 燕謂饗食後上介爲
賓代賓當宰夫賓爲苟敬席近君親貴之誼宰夫獻攝主
當上介食饗公爲主賓仍爲賓。

無行則重賄反幣 無行謂奉命專聘本國賄謂束帛重
增幣謂禮玉束帛乘皮反猶倍舉報聘報享之重反餘禮
可知皆爲無行加隆今文曰賄反幣。

日子以君命在寡君寡君拜君命之辱君以社稷故在寡
小君拜君既寡君延及二三老拜又拜送 日記公館賓
時相拜饒子稱賓以猶致在猶問寡于德曰寡拜君命之
辱拜聘享以社稷故存念我社稷夫人與君共主社稷對
外臣稱夫人曰寡小君拜拜夫人聘享亦稱寡君拜君命

之辱。貺賚旁及。日延對異邦君。稱大夫曰老二三。綜目拜。稱寡君敢拜嘉貺。此拜問大夫。又拜送。稱聞吾子將歸。寡君敢拜送聘享。合一凡六事而四拜。

賓于館堂楹間。釋四皮束帛。賓不致。主人不拜。記賓將行之餘禮。館堂楹間。授受位釋縮奠。四皮束帛。先四皮束帛加左皮幣。合庭實。知爲一事。釋以爲謝。賓不致。非命幣館由公致。主人不受私謝。故不拜。達其意。斯納之矣。

大夫來使無罪。饗之。過則餼之。其介爲介。大夫來使兼大聘小問。無罪無失節。稱饗。概食饗之。嘉其得禮。過誤禮事有誤。餼之減饗與腥。則亦不饗。所以愧厲之。其介爲介。謂得饗者從饗爲相。受餼者傳命損賓。

有大客後至則先客不饗食致之 大客大國卿後後前
客先客小國大夫致之爲饗食大客稽時若國敵爵敵事
敵仍依先後次饗食標雖無疾喪罪過猶有不親饗食法
所以廣致食致饗誼。

唯大聘有几筵 大聘三年使卿禮重神亦鑒之有几筵
決經末小聘不筵几誼。

十斗曰斛十六斗曰簋十簋曰秉 釋歸饗餼時內庭陳
米數秉十六斛百筥筥半斛則五十斛凡三秉一簋有四
斗今文簋爲逾。

二百四十斗 釋門外東陳米一車數車秉有五簋。

四秉曰筥十筥曰稊十稊曰秬四百秉爲一秬 釋門西

西陳禾一車數車三秬千二百秉凡二十稷而車筭計則
三百古文稷爲縵

弟子傅守中校勘

壽櫟廬第二子吳銑再校

儀禮真固卷八終